


Solidarietà in Indie



La scuele "Little Angels" di Panchayat

Un doman a lis frutis

Zîr di boe pal projet di "Pasurupadu, il doman" che al à creât un puint tra Friûl e une region pardabon puare de Indie. A immanêlu e je la associazion "Amicizia Italia India", metude in pîts passe vinci agns indaûr di **Gianandrea Groppero di Troppenburg** e cunò vuidade dal imprendidôr **Antonio Maria Bardelli**, che al à il centri comercial Città Fiera a lis puartis di Udin. Chest projet al è puartât indenant adun cu lis muinis missionariis francescanis dal Sacri Cûr e al è finanziât de nestre Region (in grazie de leç 19 dal 2000), dal Comun di Martignâ e de associazion travers lis donazions che e cjape sù. In dut al pues poiâsi su 50 mil euros di spindi te zone Andhra Pradesh, dulà che al è za stât fat plui di cualchi projet par inscuelâ i zovins e soredut par judâ frutinis e fantatis: fasintlis studiâ a puedin jessi paronis dal lôr doman. Par esempi, te scuele "Little Angels" di Panchayat e je stade fate une aule di informatiche, cussì che a puedin imparâ a doprâ lis tecnologjîs digjittâls. Simpri in grazie des muinis, po dopo, a son finanziâts ancje cors di formazion pes feminis. Un lavôr impuartant, che al va indenant jessint chest projet tal mieç dal so program.

